



An Official Organ of YMA, Khuangpuilam Branch.

YMA MOTTO

Hunawl hman that
Zofate hmasawna ngaihtuah
Kristian nundan tha ngaihsan

Khawchin : Source - Accuweather.com

Ruah a sur rin a ni.
Temp - Max: 29°C Min: 23°C
Dar 4:45-ah ni a chhuak ang a,
Tlai Dar 6:06-ah a tla leh ang.

Tunkar chang vawn :
“Pain a fate a lainat thin ang hian,
Lalpan amah ?ihtute chu a lainat thin.” Sam 103:13

TUALCHHUNG CHANCHIN

☛ Pu Lalchualova, Leader, Vanapa section chu ni 23 July, 2020 (Ningani) a a hnathawhnaah electric randa-in a intipalh avangin a kut zungte a hik a. Damdawi inah zai nghal a ni. A dam thuai theih nan duhsakna kan hlan e.

☛ Pi Lalhliappuii, Pu Zohruailiana (Valpuia) nupui Chawngbawla section chuan ni 16 July, 2020 khan Durtlang damdawi inah naute Kg 3-a rit a nei a. A hmingah Lalremruati phuah a ni. Zirtawpni khan an rawn haw a ni. Kan lawmpuiin nu leh pa tan mai nilo, kohhran leh khawtlang tana mi tangkai a nih chhoh ngei kan duhsak e.

Bial Inkhawmpui nei
Ni 23 - 24 July, 2020 khan Kolasib Vengthar Pastor Bial chuan Khuangpuilam Presbyterian Kohhran Biak Inah Bial Inkhawmpui hmangin, kohhran aiawh palaite’n Nomination leh Rorel Inkhawm an nei a. Inkhawm pangngai erawh sawrkar thupek angin neih a ni lo a ni.

Bialtu MLA hmuh tum
Tun kar hian Branch YMA in chungchang leh tul dange bialtu MLA, Minister ni baw Pu K. Lalrinliana sawpui turin Khuangpuilam Branch YMA hrutute Aizawl kal an tum a ni.

nei a, Mizoram sawrkarin Covid-19 dona kawnga hmalakna thenkhat tarlanna hun a hman.

Pu H Lalengmawia chuan, Kolasib chu kawng hrang hranga district pawimawh tak a nih thu sawiin Covid-19 dona kawngah pawh mihring leh bungraw mamawh chawkluh tamna ber a nih avangin hna pawh a hautak bik hle a ni, a ti a. Heti chungah ruahmanna felfai tak nen, tun thlang a hlawhtling tak a Covid-19 dona an kalpui thei chu District dange tan a entawn tur pawimawh tak a nih thu a sawi a, “He hlawhtlinna hi Sawrkar department hrang hrangte leh khawtlang leh pawl hrang hrangte thawhona that vang a ni”, a ti. Health Secretary chuan, “India ram pum huap pawh a Covid-19 dona kawng a hma la tha ber pawl kan ni mek a, sawrkar laipui a hotute fak pawh Mizoram hian a hlawh mek a ni,” a ti. Pu H Lalengmawia chuan Covid-19 vei leh vei loh endikna khawl, damlohna chi hrang hrang endik tel theihna, Truenat Quattro mini PCR pawh district tin ah dah tum mek a nih thu a sawi baw a ni.

Hun kaihrutute Dr H Lalhlangliana, Deputy Commissioner chuan State pawn atanga lo haw te chu Sawrkar Quarantine Facility-ah chauh dah thin an nih thu te, District chu Zone 12 a then niin Zonal Executive magistrate ten an vil thin thu te leh tul bik hrang hrang buaipui tur team din a nih thu te a sawi. Counter Insurgency and Jungle warfare School, Vairengte a sipai Quarantine Facility te Kolasib District Medical team ten an vilpui a, tun dinhmunah CIJWS ah hian mi 91 khunghran awm mekin Kolasib district Quarantine Facility ah 89 an awm mek baw a ni.

YMA Khuangpuilam Branch Dinhmun

Dated Khuangpuilam, the 21st June, 2020 (Pathianni) :
Hripuiin min nuai zel avangin ruatlawk leh beisei hunah Member lak, Chhiatni fund khawn, adt. duh angin khawn zawh hleih theih a ni lo a. Tunah pawh hian Chhiatni Fund bikah pawh hian chhungkaw 50 aia tamin an la pe lo ni a hriat a ni a. Hrutute paw’n an rawn la khawn leh zel dawn a ni. Hetiang hi Khuangpuilam Branch YMA dinhmun tlangpui a ni.

Member zat :

Chawngbawla Section	Vanapa Section
Mipa - 131	Mipa - 113
Hmeichhia - 90	Hmeichhia - 96
Total - 221	Total - 209
Khuangchera Section	Member zawng zawng
Mipa - 191	Mipa - 435
Hmeichhia - 132	Hmeichhia - 318
Total - 323	Total - 753
Tlangau hlawh :	Chawngbawla - 87
	Vanapa - 84
	Khuangchera - 127
	Total Chhungkaw - 298 atangin ₹ 14,900/-
Chhiatni fund :	Chhungkaw 245 atangin ₹ 73,500/-
Life Member :	Pu Chawngnhuna
	Pu R. Vanlalruata
	Pu Chawngsailova
	Pu David Lalrosanga
	Pi Hrangthangpuii
	Pi C Lalmalsawmi

List leh lehkha pawimawh secretary vawn tur ang chi hi secretary kut a thlang vat lo thin niin a hriat a. Hei vang pawh hian duh angin kan han tichhuak thei lawk lo a ni.

District dange tana entawntlak khawpin Covid-19 dona kawngah Kolasib District hmalakna tha ti
Zirtawpni chawhma khan Pu H Lalengmawi, IAS, Secretary, Health & Family Welfare Department chuan DC Conference Hall, Kolasib District Level Task Force on Covid-19 leh Kolasib NGO hrang hrang hrutute kawmna hun a

Editorial Board :

Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager: Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
96121 55162
Secretary : Tv. R. Lalnuntluanga
82599 60032

Vanapa Section

Leader : Pu Lalchuallova
87300 99599
Secretary : Tv. Lallawmzuala
87875 41803

Khuangchera Section

Leader : Pu Lalramzaua
76408 95924
Secretary : Pu Zachungnunga Hrahsel
76299 69989

Editorial.....?

Mitdelna

*'Mitdel' tih chu hmuhna tura
siam mitin hna a thawh theih loh avanga
engmah hmu thei lote hi an ni a. Mahse,
mitin thil hmu thei reng mahse mitdel tia
sawi an awm tho a. Kan sakhaw buah
ngei pawh Lal Isua'n 'Hruaitu mitdel' a
tihte hi mit tha lo leh thil hmu theilo te a
sawina a ni lem lo.*

*Mihring nunah hian hmasialna
chuan midangte ngaihtuah lohna a thlen
a. Chu chu midang - chhungkua,
khawtlang leh kohhran tan a
hnaawksakin, chhiatna a thlen a. Chumi
sawhkhawh chuan ama nun ngeiah
pawh nghawng tha lo a nei thei thin.*

*Kohhran leh khawtlang nunah
hian hmalakna kawng tinrengah
hruaitute'n beng sikin an ngaihtuah thin
a, thil lo thleng thei leh a sawhkhawh
dan turte thlengin an rinna/ngaihtuahna
mitin an thlir lawk a, rah duhawm tak
pawh a chhuah nge nge thin; mahse,
mahni hmasialna a awm apiangin
buaina a awm thin. Chutiang chiahin
pawl te ber chhungkuaah pawh
hmasialnain mit a tihdel hun apiangah
buaina a awm bawh thin.*

*Ram leh khawtlang rorelnaah
hian hruaitute chuan thil an thlir lawk
thiam tur a ni a. Hruaitu mitdelin hma a
hruai chuan buaina leh mualphona bak
a thlen ngai lo. Mahni pumpui chauh
hmagaihna hian ram leh khawtlang
a tihrehawm a, a ti mualpho a,
hmasawwna kawng a tihpin sak a,
thinrimna a cho chhuak a, remna leh
muanna a tichhia a, rinawmna a um
bo a, inrin tawwna leh thawhhona a
tichhia a, retheihna a thlen thin.*

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Nl. Florence Zoremsangi 9612761781	Financial Secretary Pu Rotlingpuia 9862385193

Thawnthu Inphuahsiak

Central YMA chuan Mizo
thawnthu chhuak a tlem tak zel
avang leh, thangthar ten Mizo
thawnthu kan ngaihhlut thar leh
theihna a nih beiseiin Mizo
thawnthu phuah intihsiaak buatsaih
tha a ti a. A hnuaia mi ang hi
intihsiaak kalpui dan tur a ni ang.

Thawnthu Inphuahsiak
Buatsaihtute – Central YMA leh
AIE Construction

Hriat tur pawimawh

1. Mimal intihsiaakna a ni ang a,
mi pakhatin thawnthu pakhat
thehlut theih a ni ang.
2. A thehlut tam ber Branch
hnenah lawmman pek a ni ang.
3. Soft copy emaw hard copy
emaw thehlut theih a ni ang.
4. Soft copy thehlut turte chuan
email id mail2cyma@gmail.com
-ah emaw whatsapp No. +91
9862376560/97748 86557/
94361 92263/97743 91024
-ah te thawn theih a ni ang.
5. Hard copy thehlut turte erawh
chuan Office hun chhungin Cen-
tral YMA Office-ah thehlut tur a
ni ang a, kut ziaak emaw khawl chhut emaw thehlut theih a ni ang.
6. Thehlut chuan chiang takin heng – Hming, Nu/Pa Hming, Kum Zat,
Branch Hming, District leh Phone No. te ziah lan tur a ni
7. September thla ral hmaa thehlut tur a ni ang.
8. A ti tha 10 (sawm) thlan chhuahte thawnthu phuah chu lehkhabu a
siamin mipuite lei theih tura zawrh chhuah a ni ang.
9. A ti tha 10 (sawm) thlan chhuahte thawnthu phuah chu All India
Radio, Aizawl kaltlanga theh darh a ni ang a. Heta hamthatna
awmte hi a phuhtute chan tur a ni ang.
10. Intihsiaaknaa thawnthu thehlute hi Central YMA-in a neitu nihna
(copyright) kum 2 chhung atan a nei ang a, he neitu nihna hi thawnthu
thehlut a nih atanga kum 2 chhung atan a ni ang. Hetih chhung hian
Central YMA remtihna lo chuan hmun danga theh darh phal a ni lo.
11. Intihsiaakna result leh lehkhabu tlangzarh programme hi hun khata
hman tur a ni ang a, programme kimchang inhriattir leh tur a ni ang.
Intihsiaakna kalphung tur

1. Intihsiaakna hi thupui hran a awm lo va, a ziaktuin ama duh lam
hawi zawng apiang a ziaak thei ang.
2. Thumal 15,000 (singkhat sangnga) aia tam lo a ni tur a ni.
3. A tak behchhana thawnthu hi phuah phal a ni a, mi ziahsa entawn/
lehlin erawh phal a ni lo.
4. Zahmawh rawng kai leh jawngkam mawi lo te pumpelh hram ni se.

Lawmman

- 1-na : ₹ 70,000/- leh Certificate
- 2-na : ₹ 50,000/- leh Certificate
- 3-na : ₹ 30,000/- leh Certificate

Consolation Prize (Top 10 chin tan) : ₹ 3,000/- leh Certificate

A thehlut tam ber Branch : ₹ 5,000 leh Certificate

CYMA hmalakna

17.7.2020 : Chief Secretary Conference
Hall-ah 'Committee on Utilisation of
Chief Minister's Relief Fund for Covid-
19' meeting neih a ni a, Pu Vanlalruata,
President a tel.

22.7.2020 : 'Role of NGO's in Disaster
Management with Special Emphasis on
Earthquake' tih thupui hmang a
Champhai Govt. College-in Webiner an
buatsaihah Tv. Zochhuana, CEC a tel.

- Chhiattawh rikrum a thlen thulh a
Central YMA-in a tul anga a hman atan
Bolero Camper MZ 01 T 8736 leh Disas-
ter Rescue Equipment te chu Civil Sec-
retariat kawtzawlah Minister, Disaster
Management & Rehabilitation Deptt.-
in Pu Vanlalruata, President kutah a
hlan a. He hunah hian Central YMA OB
leh CEC member-te an tel.

23.7.2020 : Secretariat Conference Hall-
ah 'Mizoram Eklavya Model Residential
School Society Meeting' neih a ni a, Tv.
Lalmachhuana, Vice President a tel.

- Chief Secretary Conference Hall-
ah 'Committee on Utilisation of Chief
Minister's Relief Fund for Covid 19'
meeting neih a ni a, Pu Vanlalruata,
President a tel.

Thu ziaak Huang

HINDI THIAM A PAWIMAWH

C.Lalfakzuala

Aizawl leh Shillong inkara khualzinte chaw ei þhinna Ladrymbhai khua hi zin þhangte chuan kan hre ngei ang. Hetah hian Bangla (Kolkata Bengali ni lo, Silchar leh a chhehvela an hman) þawng chhete kan þhian pakhatin a thiam avangin apple kg 1 Rs. 80 vela lei tur kha Rs. 55-in kan lei theih phah a, mi dang aiin kan lei tlawm miauva, kan intitheih hle a ni. Khatia Bangla þawnga kan han biak ruala a lawmna mitmeng lo lang aþang khan kha pa kha kan hneh tih ka hria a, ngaihtuahna thar min siamsak a. Chu ngaihtuahna thar chu: Hindi bakah, kan þhenawmte 'Bangla' thiam hi a lo hun hle tawh mai tih hi a ni. Bangla an thiam avangin Bagha hovin Aizawl pa aiin Vairengte pa an zah zawk tlat a ni.

India hi hnam hrang hrang awm khawm, þawng bil nei þheuh kan ni a, Mizoten Mizoþawng kan nei a, Assamese ten Assamese an hmang a, Bengali -in Bangla an hmang a, Orissa lam miten Oriya, Tamil hoin Tamil, Karnataka lama miten Kannada, Maharastra lama miten Marathi, Punjab lam miten Panjabi etc. Chutiang þawng hrang hrang hmang thluah kan nih avang chuan ram pum pui inþawm þawng kan ram hruaituten national language atan 'Hindi' an lo thlang a, India khua leh tuite chu thiam tura ngaih kan ni. Chuvangin Hindi thiam a tul chhan sawi dawn teh ang.

Zahawmna a keng: Vairengte pelh rualin Mizo þawng bak thiam lo ho chu kan zuamawm nghal ringawt mai a. Chutih laiin, Hindi tiam chu an zuamawm loh a, bum an har bik a, þawng thiam chu zahawmna a ni. Hausa leh rethei , hmelþha leh hmelchhia tu pawh nise, tawng thiam chu a fin hmel bik tlat a ni. Chuvangin India ram mi ni ve si, national language (Hindi) thiam loh chu chhawihna, at hmelna leh confidence neih lohna a ni.

Thian siamna: 'Inanna hi inunauna' siamtu a ni an ti a. Hmel te nunphung te, þawngte a inan loh chuan inunau hi a har hle. Keini chauh hi a falin kan awm hrang reng thei lova, hmelma aia þhian siam kan duh chuan India mi tam zawk ina an thiam Hindi hi kan thiam ve mai tur a ni. Hindi kan thiam chuan India ram hmun khawiah pawh þhian siam kan awlsam ang a, mite hriat leh lainat pawh kan hlauh lehzuang. Kan thiam loh chuan mikhuah kan ni reng ang.

Thil lei tlawmna a ni: Þawng thiam hi mi thinlung hnehna a ni thei ti ila kan uar a ni lo vang. Vai rama i kal chuan bazarah thil leiin i dawn þhin tiraw? Khawtual aia kan lei to chhan tam ber chu þawng thiam loh vang a ni ber mai. Þawng thiam tlem si, thiam chhun pawh þawng mawi lo taka kan dawn hian, kan tithinrim zawk a ni. Vai rama bazaar tawhte chuan kan hre chiangin sawi tur pawh kan hre daih zawk awm e. Chuvangin Hindi thiam chu thil lei tlawmna a ni.

Hna hmuhna remchang a ni: *English i thiam em? Thiam lo, Hindi i thiam em? Thiam lo, a nih leh eng þawng nge i thiam? Mizo þawng.* Lehkha pawh thiam ila, hna latu chuan þawng thiam lo aiin þawng thiam an duh zawk zel. Mizo þawng chauh kan thiam hian ka hlutna a tlahniam a, hnam dang dawr tur phei chuan ka tlak loh nghal ringawt a ni. Hna han zawng la, a chhawrtu tur chuan þawng i thiam tam poh leh a duhna che a sang ang.

Ram lakna hmanrua a ni: Tun lai hian eng ram mah ralthuam hmangin an indo nghal ngawt ngai lo. Thu hmangin an indo hmasa þhin. Thu chu þawng hmanga phuahchhuah a þul a. Inbiak a ngai a, diplomacyhmanga chungnung zawk an inchuh a, an chakna chu þawng thiam a ni fo.

India ram leh ram pawn hmun hrang hrang chhuak kan Missionary te tan pawh a pawimawh hmasa ber chu þawng thiam a ni. Þawng thiam tana awlsam tak, thiam lo tana khirh leh buaipui tham tak a tling a tam a ni. Hindi tawng hmangte hneh turin Hindi a thiam miao loh chuan tu nge a thusawi bengkhawn ang? An þawng kan thiam loh chuan min ngainain þhianah min siam thei lo ang. Hnam dangin Mizoram an tlawh hian 'Ka lawm e' tih leh 'Chibai' tih emaw tal thiam an tum thin. Enge a chhan? Kan þawng an thiam khan kan ngaina dawn tih an hria a ni. Vai rau rauah kan tawng thiam lo ai chuan thiam kan ngaina zawk a, kan zingah pawh an tla tlum zawk ziah ang hi a ni.

Engtin nge hma kan lak ang? : American Univ. þhenkhatah chuan Hindi zirna an hawng tawh a, American te zawk pawhin Hindi zir þul an tih chuan keini India khua leh tuite hi chuan ngai pawimawhin thiam ngei i tum ang u.

Kan hmel anpui Hmarchhak mite ni lo, kan Indianpui dangte hi 'Vai' kan ti vek a. Kan national language pawh 'Vai þawng' kan ti deuh kher a. Hei hian Hindi thiam duh lohna leh hmuhsitna a hrin phah a ni. Kan Indianpui dangte hian keini ang lo takin Hindi an thiam tlangpui a. Thiam þhat zawk zia an hriat vanga thiam an ni mai. India chhim lam chuan hmar lam aiin Hindi an thiam lo deuh awm e.

Hindi thiam hi vai nihna ani lo: Hindi hi sakhua ni lovin þawng pakhat ve mai a ni tih i hria ang u. Mizo tam tak chuan Hindi thiam chu sakhua leh culture-a dal deuh turah an ngai þhin a, hei hi thil þhalo tak a ni a, ngaihdan thlak a hun hle. Hindi kan thiam hiam kan Kristianna kan hralh lova, Indian Kristian kan nihna leh India khua leh tui kan nihna tinghetin a tichiang zawk a ni.

Zirna in atanga þan dan tur: Sikulah pawl 5-7 thleng Hindi a ziaak kan zir ve a. A tam zawkin kan chhawr lem lo. A chhan chu 'Spoken Hindi' kan zir tel loh vang a ni. Tin, a hmanna tur a vang tlat a, a nawlpuiin kan thiam thei lo a ni.

Sikul-ah hian Hindi ziah leh chhiar bakah þawng lamte pawh hi zir ni ve tawh se hma kan sawn ngei ang. Entirnan pawl 1-7 thleng hi hindi ziah zir nan hmang ila, pawl 8-12 thleng hi þawng leh inbiak lam zir nan hmang thung ila, College level ah Hindi a þawng leh inbiak lam pehhel theih miah loha paltlang ngei tur class awm bawk se la. Sorkarin heti zawng hian han ruahman se, inseng hreh lo bawk se, Mizote hian Hindi hi kan thiam ka va ring em!

Mizoram kan zirna inpui ber Mizoram Univ. ah te hian Languag Course hawn te a hun ta ngawt mai. JNU Delhi ah chuan French, German, Spanish etc. te kan Indian pui ten an zir noh noh reng mai. Mi fate chuan þawng thiam tam hi pawl an ti lem lo mai ni lovin an tum zawk a ni. Chumi zirna tur an nei bik hi an vanneihna pakhat chu a ni bawk.

CHANCHINTHAR

ACF hmangin TB vei zawng mek

Kolasib district-a TB natna vei an awm leh awm loh hriat tumin health deptt chuan Active Case Finding an kalpui mek.

Dr RK Lalthlamuana, District TB Officer chuan ACF hi District Level TB Meetingin a lo rel tawh angin home hrang hrang leh TB vei awm tamna hmunah te kalpui tur a nih thu a sawi a,

Kolasib district-a home hrang hrangte hi karleh chhungin endik zawh hman beisei a ni.

Vairengte-ah Sample la tan

Ni 23/7/2020 aţang khan Vairengte paltlanga bungraw phur lirthei khalhtute swab sample lâk ţan a ni. Vairengtea swab sample la tur hian Kolasib CMO pisa aţangin sample collection team khat ruahman a ni a, Ni 23(Ningani) atanga khan Vairengte screening point-ah Rapid Antigen Test kit hmanga Mizorama bungraw phur driver te endik hna thawh a ni.

Bolero leh hmanrwa Sorkarin CYMA a pe

Disaster Management & Rehabilitation (DMR) minister Lalchamlia chuan nimin khan Secretariat tualah Mizoram sorkar aiawhin Bolero camper pakhat leh rikrum thila chhanchhuahna hmanrwa (rescue equipment) eng emaw zat Central YMA hnenah a hlân.

Mizoram sorkarin CYMA hnena hmanrwa a pekte chu - hruihzên meter 50-a sei hlûm (coil) hnih, pulley pahni, full body harness pahni, carabineer pathum, figure of 8 pathum, ground sheet panga, stretcher pakhat, pelican search light pakhat leh raincoat 30 a ni.

MRB branch 86-na hawn a ni

Mizoram Rural Bank branch 86-na, Marpara Branch chu hna thawk nghal thei turin 23/7/2020 khan MRB Head Office-a chief manager Lalchhanhimi'n a hawng.

Regional Rural Bank Act (1976) hmanga September 27, 1983-a din Mizoram Rural Bank hian RD block zawng zawngah branch a nei vek a, kum 2011 aţang khan CBS hmangin branch zawng zawng an thlun zawm a ni.

ZMC-a thawkte'n Hripui an kai lo

State Referral Hospital (Zoram Medical College)-a thawk, ni nga kal ta hma lama Covid-19 vei hnim hnai (positive contact)a hriatte swab sample endiknaah hripui vei an awm lo. Ni nga kal ta chhunga positive contact nei nia hriatte chu Rapid Antigen Test hmanga endik an ni a, Covid-19 positive an awm lo. Hripui vei hnim hnai deuh dangte chu an intawh aţanga ni nga hnuah endik an ni ang.

Mizorama covid-19 positive case hmuhchhuah tawh zawng zawng atanga 38.25% chu Force lam mi an ni a, 61% chu civil mi an ni. Tuna mizoram a Covid -19 vei mek aţanga 112(za zela 75.16%)chu Force lam mi an ni. Civilians -37 (za zela 24.83%)an ni. Mizorama Covid-19 recovery ratechu 55.12% a ni. Tihian 24/7/2020 (Zirtawpni) thlenga Mizorama covid-19 positive neih tawh zawng zawng chu 332 a ni a, 183 enkawl dam tawh a ni a, vei enkawl mek 149an awm.

22/7/2020 (Nilaini) zan khan RTSC-a khunghran lai pakhat chu Covid a vei tih hmuh chhuah a ni vele a, heti hian Kolasib district-ah Covid kai tawh mi 13 an awm ta a, Enkawl dam mi 12 an awm tawh a ni.

NEXTCOMM ISP

Nextcomm Internet Service Provider-te chuan Internet chak tha, hman zawh ve theih loh chu Khuangpuilam veng chhung a hman theih turin FTTH(Fiber to the home) in a rawn lut ta. FTTH hi khawchhia, khawdur leh boruak inthlak avangin a muang ve lo a, Wifi, Smart Phone, Laptop, Desktop Computer leh Tv ah-te a hman theih.

Hrechiang duh chuan a hnuai a contact No. ah hian zawh chian theih reng a ni e.

(4-3) Contact 9774746112/8974201386

(Phek 3-na zawm)

Khawtlang leh Kohhran tihtur : Kohhran thupui pakhat Chanchinţha hril a ni a. Ram chhung leh pawnah te chanchinţha hrila chhuak kan awm zel ang a. Chhuak turin kan infuih reng bawk ang. Chutia ram pawn kan chhuah pawha kan buai lutuk loh nan leh chak taka rawng kan bawl theih nan hnam dang ţawng kan thiam hmasak a ţul a ni. Mizoram Presbyterian hian ram pawna chhuak turte ţawng lama an in tah hriamna tur 'Lalguage Learning Centre' angte hi din theih chuan kan ţhat pui viau ang. Tin, Kohhran dangte pawhin an din theih chuan a lawmawm em em ang. Presbyterian Synod te hi chuan sum an ngah deuh a, kan sawi lang kher a ni.

V.C/Y.M.A/Kohhran : Village Council hian sum khawnin khawtlang mipuiten Hindi kan thiam ţheuh theihna turin hma a la thei. Chutiang bawkin Y.M.A pawhin hma a la thei, a duh chuan Y.M.A chu Mizote min khaikhawmtu tlawmngai pawl a ni a. Zofate hmasawna ngaihtuah hi a ngaihpawimawh ber pakhat a ni. Tunlai khawvelah chuan Zofate hian Hindi kan thiam loh chuan hma kan sawn tak tak thei dawn lo. Zirna atanga hnathawhna/sumdawna thleng hian hma kan sawn tak tak thei dawn lo tih kan chian a hun ta e. Chuvangin, Mizoten Hindi kan thiam ţheuh theihna turin Y.M A hian kut kan thlak ve thei a ni. Y.M.A ten hma kan lak chuan tute pawh hian min puih a rinawm.

Kohhranah te, K.T.P ah te hian Hindi thiam ţulna awareness programme lam hi hman thei ila a duhawm ngawt mai. Kum khata zan khar na na na chu Hindi zirna te pawh nei ho ta ila a ţha phian lawng maw?

Chhungkua ah: Chhungkua pawhin tih tur kan nei. Nu leh pate hian kan fate hi Hindi thiam a ţulna kan hrilh a ngai a, zir tura nawr luih hial a ţha a ni. A theih chuan 'Spoken Hindi Class' te hi chu chhungkua kuain kal ila kan intiphur tlang hlawn ngawt ang.

Tunah chuan a fing deuh leh hmabak thlir thiam a piangin Hindi an thiam ţan ta. Kan Mizopuite zinga a fing hmasate chu Hindi-a ţawng theite chu kan awt ta zawk ani. A tawp berah chuan 'Knowledge is Power' tih hre kar chhungin Hindi thiam i tum ang u.